



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ



« 14 » 09 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000071

Ձեռնարկողը՝

«Հիդրոգեոշին» ՍՊԸ
ք. Գորիս, Վանքի Տափ 4/25

Գործունեությունը՝ Գորիսի բազալտների հանքավայրի օգտակար հանածոյի արդյունահանման աշխատանքների շրջակա միջավայրի վրա ազդեցության գնահատման հաշվեքվություն
Սյունիքի մարզ

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պաշտոնակատար՝



Ա. Թարգյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

թիվ ԲՓ 000071
<14> 09 2020թ.

**Սյունիքի մարզի Գորիսի բազալտների հանքավայրի օգտակար
հանածոյի արդյունահանման շրջակա միջավայրի վրա ազդեցության
գնահատման հաշվետվություն**

Ներածական մաս

Ձեռնարկող՝

«Հիդրոգեոլոգի» ՍՊԸ

Փաստաթղթի տեսակը՝

Շրջակա միջավայրի վրա ազդեցության
գնահատման հաշվետվություն /ՇՄԱԳ/,
նախագծային փաստաթուղթ

Գործունեության տեսակը՝

«Ա» կատեգորիա

Տեղադրման վայրը՝


Սյունիքի մարզ, Տաթև համայնք, բն. Շինուհայր

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ. ենթակետի՝ Գորիսի բազալտների հանքավայրի արդյունահանումը դասակարգվում է «Ա» կատեգորիայի գործունեության տեսակների ցանկում:

Գորիսի բազալտի հանքավայրը գտնվում է ՀՀ Սյունիքի մարզում, Տաթև համայնքի Շինուհայր գյուղի վարչական սահմանում, համանուն գյուղից 6,6 կմ հյուսիս-արևմուտք, Վայք-Գորիս ավտոճանապարհի ձախակողմյան մասում՝ վերջինից 1.2 կմ հեռավորության վրա: «Հիդրոգեոլոգի» ՍՊ ընկերության կողմից /այսուհետ՝ Ընկերություն/ նախագծված բացահանքը զբաղեցնում է 5.33 հա մակերես, որի հողատեսքի նպատակային նշանակությունը գյուղատնտեսական է, գործառնական նշանակությունը՝ արոտավայր: Արդյունահանման թույլտվություն ստանալուց հետո հողի նպատակային նշանակությունը սահմանված կարգով կփոխվի:

Հանքավայրի տարածքը գտնվում է 1800-2000մ բացարձակ բարձրությունների վրա: Տեղամասի կենտրոնի աշխարհագրական կոորդինատներն են՝ հյուսիսային լայնության – 39° 29' 21.95", արևելյան երկայնության – 46° 15' 50.77": Նախագծված տեղամասի կոորդինատները ARM WGS-84 համակարգով հետևյալն են՝

- | | | | |
|--------------|-----------|--------------|-----------|
| 1. 8608794.3 | 4373599.2 | 2. 8608554.4 | 4373657.5 |
| 3. 8608601.0 | 4373738.3 | 4. 8608665.5 | 4373804.9 |
| 5. 8608748.6 | 4373840.7 | 6. 8608970.0 | 4373642.9 |
| 7. 8608923.4 | 4373624.3 | 8. 8608874.7 | 4373638.4 |
| 9. 8608810.2 | 4373628.5 | | |



Սյունիքի մարզի Գորիսի բազալտների հանքավայրի պաշարները հաստատվել են ԽՍՀՄ ՊՊՀ-ի 27.01.1989թ.-ի N 299 արձանագրությամբ, 1988թվականի հունվարի 1-ի դրությամբ, ըստ A, B և C₁ կարգերի և համապատասխանաբար կազմում են՝ 487,4հազ.մ³, 655,2 հազ.մ³ և 1455,2հազ.մ³ /ընդհանուր՝ A+B + C₁-2597,8հազ.մ³/: Բլոկի ելքը լեռնային ապարներից կազմում է 30.0%:

Ընկերության կողմից նախագծված բացահանքի 5.33հա տարածքում հաշվեկշռային պաշարների ծավալը կազմում է 307.75հազ.մ³ բազալտի զանգված և 100.2հազմ³ մակաբացման ապարներ: Բացահանքի տարեկան արտադրողականությունը հաշվարկված է՝ 6155մ³ մարվող և 5810մ³ բազալտի արդյունահանվող պաշար: Հանքավայրը ծածկող ապարները /1.85մ միջին հզորությամբ/ ներկայացված են ժամանակակից առաջացումներով /ալյուվիալ-դելյուվիալ նստվածքներ՝ ներկայացված անդեզիտաբազալտների կտորներով և քարաբեկորներով/ և հողաբուսական շերտով: Մակաբացման ապարները ավտոինքնաթափով և բուլդոզերով տեղափոխվում են բացահանքի հարավային մասում ձևավորվող լցակույտեր, որտեղ առանձին պահեստավորվում են N1 և N2 լցակույտերում: Հողաբուսական շերտը հանդիպում է տեղ-տեղ, հզորությունը բացահանքի տարածքում կազմում է 0.3մ, ծավալը՝ 16250մ³:

Ելնելով հանքավայրի լեռնաերկրաբանական, լեռնատեխնիկական պայմաններից և օգտակար հանածոյի շերտի տեղադրման պարամետրերից և տեղամասի մշակումը նախատեսվում է բաց լեռնային աշխատանքներով: Նախագծված բացահանքը բնութագրվում է հետևյալ պարամետրերով.


- ամենամեծ երկարություն- 315մ;
- ամենամեծ լայնություն- 264մ;
- ամենամեծ խորություն - 6.6մ;
- բացահանքի օտարման տարածք-5.33հա:

Հանքավայրի մշակման համար ընտրված է ընդլայնական մեկ կողանի մշակման համակարգ: Հորիզոնի մշակումը կատարվելու է համատարած ձևով, կիրառելով հիմնականում հորատասեպային եղանակը, հորատման համար կիրառելով ՈՊ-50ԵԵ մակնիշի հորատման մուրճ: Բլոկների (մեծ աղյուսների) արդյունահանումը իրականացվում է հորատասեպային եղանակով, խիստ անհրաժեշտության դեպքում կկատարվի հորատապայթեցման աշխատանքներ՝ պայթանցքային լիցքերի կիրառմամբ՝ աշխատանքները համաձայնացնելով ոլորտում իրավասու լիազոր մարմնի հետ:

Հանքավայրի մշակման համար ընտրված է ընդլայնական մեկ կողանի մշակման համակարգ, որի տարրերն են՝

- Հանքաստիճանի բարձրություն՝ 2.5 մ;
- Անվտանգության բերմայի լայնություն՝ 1.0 մ;
- Աշխատանքային հանքաստիճանի թեքման անկյուն՝ 90°;
- Աշխատանքային հրապարակի ամենափոքր լայնություն՝ 18-20 մ:

Հանքավայրի բացումը կատարվում է հանքավայրի հյուսիս-արևելյան՝ 1810.0մ և 1770.0մ բարձրության հորիզոններից: Աշխատանքները ներառում են՝ ավտոճանապարհի կառուցում հանքավայրի հարավ-արևելյան կողմից /1758.0մ բարձրության նիշից մինչև բացահանքի 1810.0մ բարձրության հորիզոն/: Ճանապարհն ունի 515մ երկարություն /որից 415մ-ը արտաքին բացահանքի սահմաններից դուրս է/ 6մ լայնություն, 100.97% թեքություն: Է Ավտոճանապարհը աստիճանաբար կտրտվելով կսպասարկի հաջորդ հորիզոնները: Ավտոճանապարհների անցումը՝ մակաբացման ապարների հավաքումը կուտակումը կատարվում է S-170 բուլդոզերի օգնությամբ:





գտնվում է 6.5 կմ հեռավորության վրա, ուստի հատուկ միջոցառումներ չեն նախատեսվում սանիտարա-պաշտպանիչ գոտու ապահովման համար:

Հանքավայրի շահագործման ընթացքում շրջակա միջավայրի վրա հնարավոր ազդեցությունները կանխարգելիչ միջոցառումները ներառում են հետևյալները.

- արքավորումների տեխնիկական վիճակի նախնական և պարբերական ստուգումներ, կատալիտիկ զտիչների տեղադրում արտանետման խողովակների վրա:
- տարածքի և ճանապարհների ջրցան տարվա չոր եղանակային օրերին
- նավթամթերքների պահում բացահանքի արտադրական հրապարակում հատկացված տեղում /բացօթյա կամ ծածկի տակ պահեստ/, որի հատակը բետոնապատվում է

Բացահանքի շահագործման ընթացքում առաջանում են բնապահպանական տեսանկյունից տարբեր վտանգավորության թափոններ, որոնցից են՝ մեխանիզմներում փոխվող հնացած յուղերը և քսայուղերը, մետաղական թափոնները, անվադողերը, կենցաղային աղբը: Նշված թափոնների մի մասը /օգտագործված յուղեր, քսայուղեր, անվադողեր/ կհանձնվեն երկրորդական վերամշակման լիցենզիա ունեցող կազմակերպություններին/, իսկ կենցաղային աղբը կտեղափոխվի մոտակա աղբահավաք կետ:

Հողային ռեսուրսների պահպանման միջոցառում է հանդիսանում խախտված տարածքների ռեկուլտիվացիան/վերականգնումը: Բացահանքի լեռնատեխնիկական վերականգնումն իրականացվելու է բացահանքի շահագործման 17-րդ տարվանից սկսած՝ արդյունահանման աշխատանքներին զուգահեռ: Արդյունահանման աշխատանքների ավարտից հետո լցակույտում մնացած ապարների 2500մ³ ծավալը կտեղափոխվի 1780.0մ բարձրության հանքաստիճանների վրա, կլցվի 1.9մ բարձրությամբ և S- 170 բուլդոզերի օգնությամբ կհարթեցվի: Հարթեցումը կկատարվի ընդհանուր 64150մ² մակերեսում, ներառելով բացահանքի /հատակի/ մակերեսը, արտադրական հրապարակը, ավտոճանապարհները, նախկինում տեղադրված լցակույտի մակերեսը: Լեռնատեխնիկական վերականգնման տևողությունը կկազմի 21 օր, իսկ աշխատանքների իրականացման ծախսերի խոշորացված նախահաշիվը գնահատվել է 1514.8 հազ.դրամ: Տեխնիկական ռեկուլտիվացումից հետո կատարում են կենսաբանական ռեկուլտիվացիա ողջ տարածքի վրա՝ կիրառելով հիդրոցանքի եղանակը /որի ծախսերը գնահատվել է 1.283000 ՀՀ դրամ/: Ռեկուլտիվացման ծախսերը ընդհանուր կկազմեն՝ 2797.8հազ ՀՀ դրամ/:

Գործիսի բազալտի հանքավայրի շահագործման ընթացքում շրջակա միջավայրի վրա բացասական ազդեցությունը կանխարգելելու և մեղմելու նպատակով մշակվել են միջոցառումների ծրագիր ուղղված՝ մթնոլորտային օդի, հողային, ջրային ռեսուրսների, կենսաբազմազանության պահպանությանը: Նախատեսվել են նաև միջոցառումներ, ուղղված՝ աշխատանքային միջավայրում աշխատողների անվտանգությանը, արտակարգ իրավիճակների արձագանքմանը, տարբեր տեսակի թափոնների կառավարմանը, հնարավոր սոցիալական ազդեցությունների մեղմմանն ու կանխարգելմանը: Բոլոր միջոցառումներն իրենց գործողություններով ամփոփվել են բնապահպանական կառավարման և մոնիթորինգի պլաններում:

Ընկերության կողմից, արդյունահանմանը զուգընթաց իրականացվելու է շրջակա միջավայրի վրա բացասական ազդեցության կանխարգելմանն և մեղմացմանն ուղղված մշտադիտարկումներ, որոնք ներառվել են բնապահպանական մշտադիտարկումների պլանում և որպես օբյեկտներ դիտարկվել են՝ մթնոլորտային

օդը, հողային ծածկույթը, կենսաբանական միջավայրը: Մշտադիտարկումների իրականացման տարեկան ծախսերը գնահատվել են 150.0 հազ ՀՀ դրամ:

Բուն հանքավայրի տարածքը ներառված չէ բնության հատուկ պահպանվող տարածքի սահմաններում: Գործունեության տարածքում պահպանության կարիք ունեցող, ՀՀ բույսերի և կենդանիների Կարմիր գրքում կամ ԲՊՄՄ կարմիր ցուցակում գրանցված բուսատեսակները, կենդանատեսակները, ինչպես նաև կենդանիների ցամաքային միգրացիոն ուղիները բացակայում են, համաձայն ՇՄԱԳ հաշվետվության տեղեկատվության:

Եզրափակիչ մաս: Նախատեսվող գործունեության ՇՄԱԳ հաշվետվության փորձաքննությունն իրականացվել է <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի պահանջներով: Գնահատման և փորձաքննության փուլերում գործունեության իրականացման վերաբերյալ Սյունիքի մարզի Շինուհայր բնակավայրում անցկացվել են հանրային քննարկումներ /չորս քննարկում/: Փորձաքննական գործընթացին մասնակցել են պետական և տեղական ինքնակառավարման մարմիններ, շրջակա միջավայրի նախարարության ստորաբաժանումներ, առողջապահության նախարարությունը, Սյունիքի մարզպետարանը, որոնց կողմից ներկայացված կարծիքները ևս հաշվի են առնվել փորձաքննության գործընթացում: ՇՄԱԳ հաշվետվությունում ներկայացված բնապահպանական միջոցառումների և մոնիթորինգի գործողությունների իրականացման դեպքում, գործունեության իրականացման ընթացքում աղտոտվածությունը օդային և ջրային ավազանների, հողային ռեսուրսների ինչպես նաև կենսաբազմազանության վրա կգտնվի թույլատրելի նորմերի սահմաններում:

Փորձաքննական պահանջներ

1. Հանքարդյունահանման աշխատանքների իրականացման ընթացքում անհրաժեշտ է առաջնորդվել 22 փետրվարի 2018թ. N 191-Ն որոշման պահանջներով՝ շրջակա միջավայրի բաղադրիչների /մթնոլորտային օդ, հողային ծածկույթ, կենսաբազմազանություն/ մշտադիտարկումների արդյունքների տարեկան հաշվետվությունը՝ նշված որոշմամբ սահմանված ժամկետներում և ձևաչափով ներկայացնել լիազոր մարմին:
2. Գործունեության իրականացման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը և ժամանակացույցերը:

ԵԶՐԱԿԱՑՈՒԹՅՈՒՆ

«Հիդրոգեոշին» ՍՊ ընկերության կողմից ներկայացված Սյունիքի մարզի Գորիսի բազալտների հանքավայրի օգտակար հանածոյի արդյունահանման աշխատանքների շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Փոխտնօրեն՝

Գ. Գևորգյան

Գլխ. մասնագետ՝

Հ. Մկրտչյան